



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatus De Fiducia In Deum Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 11. Dei præsentia difficulter cogitatur in adversis.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

§. XI.

Dei praesentia difficulter cogitatur in adversis.

Verum pro dolor fatendum est paucos admodum reperiri in mundo Davidi, paucos Josepho similes, qui cum illis possint vere dicere: *Dominus mihi adjutor, non timebo quia faciat mihi homo: Dominus mihi adjutor, & ego despiciam inimicos meos.* Psal. 117. Quam difficile est in adversitarum jactationibus tranquillam animi pacem retinere & agnoscere divinae argumenta praesentiae in afflictionum aestu: tunc quippe videtur abesse a nobis longius. Diversis in Evangelio locis refertur quod cum Apostoli jussu Christi Domini conscendissent navim sub vesperum, & laborarent in remigando propter contrarium ventum, secutus eos JESUS. *Circa quartam vigiliam noctis venit ad eos ambulans super mare: at illi ut viderunt eum ambulans super mare, putaverunt phantasma esse & conturbati omnes pro timore clamaverunt, donec allocutus est eos, & ut certiores redderet de praesentia sua iussit Petrum id rogantem venire ad se super aquas; quis enim alius verbo solo fluidas maris undas ita potuisset solidare sub pedibus ejus, ut super illas velut in*

M 7

arcâ

areâ deambularet. Illud verò pertrun-
 detur quod nemo ex duodecim his Christi
 Domini discipulis ejusque familiarissimis
 individuis itinerum comitibus, actionum
 miraculorum, quæ quotidie faciebat, oculis
 testibus, nemo inquam unus magistrum
 suum isto in loco agnoverit præsentem: ne-
 mo fuerit qui non timore percussus eum ad-
 jurasset, sicut solemus adjurare spiritus appe-
 rentes; nisi ipse & voce imperasset illis fide-
 ciam, & miraculo, quod in S. Petro patravimus
 præsentiam suam confirmasset. Unde mirum
 mirum videri debet, si nos vix unquam Dei
 præsentem cogitamus, cum variis gravillimis
 misque calamitatibus velut marinis fluctibus
 obruimur, quandoquidem in eo & ipsi
 Apostoli defecerunt. Et tamen nihil est certius
 quam tum maximè præsentem esse: ad-
 enim ipse omnibus in tribulatione constitutus
 & qui plurima patiuntur, adeo ut malorum
 quadam tempestate absorpti videantur, his
 in primis proximus est, & intime conjunctus.
 Hinc est quod viris sanctis, ut in quadam episto-
 la scribit S. Franciscus Xaverius, nihil videatur
 difficilius quam nihil pati, & gravis
 ipsis sit crux sine cruce esse, quia sibi persuasum
 habent, destitui tolerantia adversitatum,
 esse Dei præsentiam privari. Unde S. Gertrudis

dis innocentissima Virgo tautopere diligebat, ut in eius vita refertur, malorum perpetrationem, ut longo patientiæ exercitio inclinationem naturalem quâ quisque in suas fertur commoditates, extinctam in contrarium transfulerit adeo, ut insatiabili teneretur patienti desiderio; omnes ejus cogitationes ferrebantur ad patiendum, quotidiana preces, divinæ actiones in patiando consistebant: nullum erat illi tempus molestius, nullum intolerabilius quàm quod sine afflictionibus transigebat. Duabus & viginti septimanis ante mortem continuis & acutissimis doloribus adeo cruciata fuit ut linguæ usum amitteret: quo tempore cuidam personæ sanctæ revelatum fuit à Christo Domino, quod sic illam affligeret, quia deliciae suæ essent esse cum ipsa in doloribus: sustulisse verò ipsi loquelam cum rerum omnium gustu ac sensu, ut omnes ejus facultates & actiones in se solum converteret. Quis unquam casus tam firmam, tam bene stabilitam pacem potuisset evertere?

*Qui*